



**B**amba ex illustri familia apud Gothos natus, 82. rex extra patriam in Hispania electus fuit. Erat is animi moderatissimus: itaque post mortem Recinsuindi uix eò adduci potuit, ut tantum onus susciperet. Eo tempore multi populi contra eum arma mouerunt. Itaque primùm Vascones, post Narbonenses perdomuit. Ducem quoque Bitirreum in Gallia res Gothorum infestatem superauit. Sarracenorum quoque classem ducetarum septuaginta nauium, primo ad littus Hispanicum accedentium, partim oppressit, partim cepit. His bellis feliciter confectis Toleti Concilium celebrauit, & res multas ibidem optimè instituit. Tandem uerò

ad æmulis medicata potione accepta fortissimus rex memoriam amisit, atque regno relicto monasticæ uitæ habitum in Pampligenli cœnobio assumpsit, & paulo post obiit, anno Christi sexcentesimo septuagesimo octauo. Sicque Sarracenis occasio data, ut tandem, Visigothorum regno sublato, ipsi totam Hispaniam occuparint. Id quod factum est post mortem Bambæ anno 30.

Tum enim inter Rodericum regem & Iulianum Tingitanæ prouinciæ præfectum cōtentione orta, Sarraceni à Iuliano in auxilium ex Africa acciti, Musa & Tarifa ducibus adfunt, & biennij spatio totam Hispaniam uincunt, præter Astures & Cantabros, quæ nunc Gallicia dicitur. In eo bello septingenta hominum millia ceciderunt. Possiderunt Sarraceni Hispaniã per annos plus minus quingentos, donec Ferdinandus 3. rex, anno salutis 1216. Toletum, Cordubam, multisque alijs locis recuperatis, Sarracenos regnis maiori ex parte electos ad Bethicam, quæ hodie Granata dicitur, reiecerit. Inde tandem patrum nostrorum memoria, anno 1492. Ferdinandi regis uirtute tota Hispania exclusi, Sarraceni mare superato in Africam redierunt.

Ioan. Mag. libro 16. capite 27. Blond, lib. 10.

decad. 1,